



劉定公憂

左傳昭元年天王使劉定公勞趙孟於潁館於雒汭
劉子曰美哉禹功明德遠矣微禹吾其魚乎吾與子
弁冕端委以治民臨諸侯禹之力也子盍亦遠績禹
功而大庇民乎對曰老夫罪戾是懼焉能恤遠吾儕
偷食朝不謀夕何其長也劉子歸以語王曰諺所謂
老將知而耄及之者其趙孟之謂乎爲晉正卿以主
諸侯而儕於隸人朝不謀夕棄神人矣神怒民叛何
以能久趙孟不復年矣神怒不歆其祀民叛不卽其
事祀事不從又何以年

偃師縣志

卷十三 名臣傳

二

劉文公伯蚩

左傳昭二十二年王子朝賓起有罷於景王王與賓
孟說之欲立之劉獻公之庶子伯蚩事單穆公惡賓
孟之爲人也願殺之又惡王子朝之言以爲亂願去
之夏四月王田北山使公卿皆從將殺單子劉子王
有心疾乙丑崩于榮錡氏戊辰劉子摯卒無子單子
立劉蚩五月庚辰見王遂攻賓起殺之盟羣王子于
單氏丁巳葬景王王子朝因舊官百工之喪職秩者
與靈景之族以作亂逐劉子壬戌劉子奔揚冬十月
庚申單子劉蚩以王師敗績于郊己丑敬王卽位館

於子旅氏

劉桓公

左傳定六年天王處于姑猶辟儋翩之亂七年夏四月單武公劉桓敗尹氏于窮谷冬十一月戊午單子劉子逆王于慶氏癸巳王入于王城館于公族黨氏而後朝于莊宮八年二月己丑劉子伐儀栗辛卯劉子伐孟以定王室

漢

龐參

後漢書列傳字仲達緱氏人舉孝廉拜左校令永初

偃師縣志

卷十三 名臣傳

三

御史中丞樊準上疏薦參可用卽召拜謁者使西督三輔諸軍屯尋拜漢陽太守郡人任棠者有奇節隱居教授參到先候之棠不與言但以薤一大本水一孟置戶屏前自抱孫兒伏於戶下主簿白以爲倨參思其微意良久曰棠是欲曉太守也水者欲吾清也拔大本薤者欲吾擊強宗也抱兒當戶欲吾開門恤孤也於是嘆息而還參在職果能抑強助弱以惠政得民元初元年遷護羌校尉畔羌懷其恩信歷官遼東太守遷度遼將軍入爲大鴻臚尙書僕射虞詡薦參有宰相器能順帝時以爲太尉錄尙書事三公

中參名忠直數爲左右所陷遂因災異策免陽嘉四年復爲太尉永和元年以病罷卒於家

李言

水經注陂水又東逕遂鄉東南而爲壁陂又東爲青陂漢靈帝建寧三年新蔡長河南緱氏李言上請修復青陂司徒臣訓尙書臣襲奏可洛陽宮于青陂東塘南樹碑碑稱青陂在縣坤地源起桐柏淮州鄆流入於滹潏逕新息牆陂行入褒信界灌溉五百餘頃

唐

徐有功

偃師縣志

卷十三 名臣傳

四

劉昫唐書列傳國子博士文遠孫也舉明經累轉蒲州司法叅軍紹封東莞男爲政寬仁不行杖罰吏人感其恩信遞相約曰若犯徐司法杖者衆必斥罰之由是人爭用命終於代滿不戮一人載初元年累遷司刑丞時酷吏周興來俊臣邱神勣王宏義等構陷無辜皆抵極法公卿震恐莫敢正言有功獨存平恕詔下大理者有功皆議出之前後濟活數千百姓累轉秋官郎中道州刺史李仁褒與弟榆次令長沙爲唐奉一誣搆私議乘輿吉齒謀復李氏有功爭其事不能得周興勃有功故出反囚當死后不許坐免官

俄起爲左肅政臺侍御史辭曰臣聞鹿走山林而命繫庖厨陛下以法用臣臣守正行法必坐此死後固授之天下聞其復進欣然相賀無何奴告竇孝謀妻龐氏厭詛命薛季昶鞫訊龐當死子希城訟寃有功雪之季昶劾其黨惡當棄市有功方視事令史泣以告夷然無懼徐曰豈我獨死而諸人長不死耶安步而歸后召詰曰卿比斷獄多失出何也對曰失出臣小過好生陛下大德后默然龐得減死有功坐除名尋起爲司刑少卿同事皇甫文備復誣之已而文備坐事下獄或爲喜曰必有以報對曰爾所言者私忿我所守者公法卽出之當語所親大理人命所繫不可阿旨詭辭以求苟免故凡三坐大辟將死泰然不憂赦之亦不喜后益重之酷吏視者咸爲少衰然疾之如讐改司僕少卿卒年六十八贈司刑卿中宗卽位加贈越州都督遣使就第弔祭賜物百段授一子官開元初竇希城等請以已官讓有功子倫以報舊德由是自大理司直遷恭陵令終申王府司馬會昌中追諡忠正

進士第補金水尉遷九隴主簿居親喪毀棘甚服已
除猶屏處邱園武后召爲左拾遺神龍初遷中書舍
入敬暉等表諸武不宜爲王構當讀表抗聲析句左
右皆曉知三思疾之出爲潤州刺史政有惠愛徙衛
同陝三州遷益州府長史景龍末召爲左御史大夫
會平諸韋治其黨衣冠多坐構詳比重輕皆得其情
時李傑爲河南尹與構皆一時選世謂畢李封魏縣
男復爲益州長史按察劍南振弊梟私號爲清嚴睿
宗嘉構修潔獨行有古人風其治術又爲諸使最賜
璽書袍帶再遷吏部尚書並遙領益州長史徙廣州
都督元宗立授河南尹進戶部尚書久之移疾帝手
疏醫方賜之當時以戶部爲凶官遽改太子詹事冀
其愈會卒贈黃門監諡曰景

武元衡

宏簡錄字伯蒼緱氏人唐書本傳祖平一有名元衡
舉進士爲華原令畿輔鎮軍督將皆驕橫撓政元衡
移疾去德宗欽其才召拜比部員外郎歲內三遷至
左司郎中以詳整任職擢爲御史中丞嘗對延英帝
目送之曰眞宰相器順宗立王叔文使人誘以爲黨
拒不納俄爲山陵儀仗使監察御史劉禹錫求爲判

偃師縣志

卷十三

名臣傳

六

官元衡不與叔文滋不悅數日改太子右庶子憲宗
卽位拜中丞戶部侍郎元和二年拜門下侍郎同中
書門下平章事兼判戶部事帝素知元衡堅正有守
故睠禮信任異它相浙西李錡求入覲旣又稱疾欲
賒其期帝問宰相鄭綱綱請聽之元衡曰不可錡自
請入朝詔旣許之而復不至是可否在錡陛下新卽
位天下屬耳目若奸臣得遂其私則威令去矣帝然
之遽追錡而錡計窮果反時蜀新定高崇文爲節度
使不知吏治帝難其代詔元衡檢校吏部尙書兼門
下侍郎同平章事爲劍南西川節度使使蕭縣伯封

優師縣志

卷十三

名臣傳

七

臨淮郡公帝御安福門慰遣之崇文去成都以金帛
帟幕仗樂工巧行蜀織爲空元衡至綏靖約束儉以
寬民比三年上下完實蠻夷懷歸雅性莊重雖淡於
接物而開府極一時選八年召還秉政李吉甫李絳
數爭事帝前不叶元衡獨持正無所違附帝稱其長
者淮蔡用兵帝悉以機政委之王承宗上疏請赦吳
元濟使人白事中書悖慢不恭元衡叱去承宗怨數
上章誣詆未幾入朝出靖安里第夜漏未盡賊乘暗
呼曰滅燭射元衡中肩復擊其左股徒御格鬪不勝
皆驚走遂害元衡批顱骨持去上聞之震驚罷朝坐

延英見宰相哀慟爲再不食贈司徒諡曰忠愍下詔捕賊後捕張晏十八人言爲承宗所遣皆誅之從弟儒衛

武儒衛

唐書本傳字廷碩姿狀秀偉不妄言與人交始終如一宰相鄭餘慶不事華潔門下客多垢衣敝服獨儒衛上謁未嘗有所易以莊言正色見重於餘慶元衛歿帝待之益厚累遷戶部郎中知諫議大夫事俄兼知制誥皇甫鑄以宰相領度支剝下以媚天子儒衛疏其狀鑄自訴於帝帝曰迺欲報怨邪鑄不敢對儒衛勁正有風節且將大用宰相令狐楚忌之會以狄兼謨爲拾遺楚自草制隱武后革命事盛推仁傑功以指切儒衛且沮止之儒衛泣見上曰臣祖平一當武后時避仕終老不涉於累帝撫勉之自是薄楚爲人尋拜中書舍人元稹倚宦官知制誥儒衛鄙厭之會食瓜蠅集其上儒衛揮以扇曰適從何處來遽集於此一坐皆失色然以嫉惡太分明終不至大任以兵部侍郎卒年五十六贈工部尙書

畢誠

唐書本傳字存之構從姪構弟栩生淩淩生勻勻生

誠早孤然薪讀書母卹其疲奪火使寐不肯息遂通經史工詞章性端慤不妄與人交太和中舉進士書判拔萃連辟忠武杜悰幕府表爲度支巡官又從辟淮南入拜侍御史李德裕與悰同輔政不協出悰劍南東川節度使惟誠祖餞德裕忌之出爲慈州刺史累官駕部員外郎倉部郎中故事要家勢人以倉駕二曹爲辱誠沛然如處美官無異言宰相知之以職方郎中兼侍御史知雜事召入翰林爲學士党項擾河西宣宗嘗召訪邊事誠援質古今條破羗狀甚悉帝說曰吾將擇能帥者孰謂頗牧在吾禁署爲朕行

樞師縣志

卷十三 名臣傳

九

乎誠唯卽拜刑部侍郎出爲邠寧節度兼河西供軍安撫使到軍遣吏懷諭羗人皆向順時戍兵常苦調饑乏誠募士置屯田歲收穀三十萬斛以省度支經費詔書嘉美俄徙昭義又遷河東尤近胡復修祀頭七十烽謹候虜寇不敢入懿宗立遷宣武節度使召爲戶部尙書判度支未幾以禮部尙書同中書門下平章事再替固稱疾改兵部尙書罷旋兼平章事節度河中卒年六十二誠於吏術尤所長旣貴所得祿俸養護宗屬無間始終人以是多之

宋

宥 廬

宋史崔頌本傳廬字文炳頌子登雍熙進士雅有士行累爲屯田員外郎三司戶部判官景德中上語宰相周王元儼年少尤資贊導聞崔廬性純謹庶有裨蓋因召對遷都官員外郎充記室參軍賜金紫遷兵部郎中出知河中府轉太常少卿將作監卒

陳太素

宋史列傳字仲華緱氏人舉進士累官大理少卿能推原人情以傳法意每臨案牘至忘寢食子弟或止之答曰囹圄之苦豈不甚於我也襄州饑人或羣入

偃師縣志

卷十三

名臣傳

十

富室掠困粟獄吏鞠以大辟太素奏得減死著爲例
終司農卿

元

程思廉

元史列傳字介甫家東勝州伯父震爲偃師簿父恒初爲沿邊監權規運使思廉用薦給事東宮授樞密院監印時方規取襄樊使任轉餉築城置倉以受粟轉輸者與民爭門不時至思廉令行者異路粟至多露積一夕大雨思廉安卧不起省中召詰之答曰此去敵近若中夜騷動恐致他變縱有漂濕不過軍中

一日糧耳聞者慙之至元十二年入爲監察御史以
劾權臣阿合馬繫獄居之泰然卒不能害累遷河南
道副使道過彰德聞兩河歲饑徵租益急欲緩之有
司謂法當上請思廉不聽卽移檄罷徵後果得請旣
而河北大稜流民數萬渡河求食朝廷遣使集官屬
禁勿渡思廉慮生變曰民急就食豈得已哉天下一
家河南河北皆吾民也悉縱之往且曰雖得罪無憾
章上亦不之罪衛輝懷孟大水及城不沒者數版思
廉卽修隄防露宿督役水不爲患俄以憂去初立雲
南行臺起爲御史中丞始至蠻爨渠長來賀意甚倨

假師縣志

卷十三

名臣傳

七

思廉宣上威德使毋自外聞者懾服雲南舊有學校
而禮教不興思廉力爲振起始有從學問禮者成宗
卽位除河東山西廉訪使平陽諸郡歲轉粟北方民
勞費數倍思廉爲請改輸河東近倉舊法決事曹吏
得輕重其權思廉自判牘尾某當某罪吏皆束手累
任風憲言事剴切如請早建儲貳訪求賢俊辯車服
議封謚養軍力定律令皆急務也與人交有始終或
有疾病死喪問遺調恤往返數百里不憚勞仍爲之
經紀家事撫視其子孫其於宗親尤曲盡恩意好薦
達人物或者以爲好名思廉曰若避好名之嫌人不

復敢爲善矣卒謚敬附

毓倬按思廉本傳無家偃師之語但震旣爲偃師籙葬緱氏墓碑歷歷可攷思廉墓舊志亦載在官莊或占籍偃師今仍之

明

李暢

舊府志字德之偃師人性剛方素有澄清天下之志洪武中舉鄉進士授臨潼教諭永樂中擢吏科給事中
立朝敢言上甚重之後屢疏抗諫北伐上震怒命力士以鉄鎚擊其齒齒盡落諫猶不止貶雲南集縣
偃師縣志 卷十三 名臣傳 五
典史時仁宗在青宮聞其名及卽位遣使召之至則
帝崩補山東按察司僉事未及任墨吏望風解綬及
老歸躬耕讀書優游以終祀忠義祠

國朝

蔣挺達

續志字金芝幼通經籍崇禎癸酉舉人中順治己丑
進士授行人遷刑科給事中以民命攸關有讞獄不
宜久留之疏得

諭旨陞吏科右給事中會浙撫陳應泰劾錢塘令丞寃
此等藐玩兌漕部議革職應泰復以虬在江干料理

兵漕更乞還職按臣牟雲龍亦傳會奏請挺達以其前後異辭抗疏劾之聞者憐服又因仕途壅滯有清銓政以作人才等疏條陳侃侃皆關國計民生分枝禮闈所得多名士轉戶科左給事中巡視光祿精謹稱職進吏科掌印都給事中偕河南道知選事管理京察大計矢公慎當

上意賜蟒繡進秩恩禮有加以足疾予告歸俄有豫省清查隱地之

旨奉行不善至有飛誣懸坐之嘆邑受病尤甚挺達縷陳其事於撫軍郎公得請減縣溢供賦二萬計卒年

偃師縣志

卷十三

名臣傳

七

七十六所著有存心堂奏疏存心堂集行世

偃師縣志卷十四

翰林院編修孫星衍
偃師縣知縣湯毓偉
同纂

儒林傳

漢

杜子春

周禮正義引後漢書緱氏人永平之初年且九十能通其讀頗識其說鄭眾賈逵往受業焉

孫堪

後漢書儒林傳字子穉河南緱氏人也明經學有志

偃師縣志

卷十四

儒林傳

一

操清白貞正愛士大夫然一毫末嘗取於人以節介氣勇自行王莽末兵革並起宗族老弱在營保間堪嘗力戰陷敵無所回避數被創刃宗族賴之郡中咸服其義勇建武中仕郡縣公正廉潔奉祿不及妻子皆以供賓客及為長吏所在有迹為吏人所敬仰喜分明去就嘗為縣令謁府趨步遲緩門亭長譴堪御更堪便解印綬去不之官後復仕為左馮翊坐御下促急司隸校尉舉奏免官數月徵為侍御史再遷尚書令永平十一年拜光祿勳堪清廉果於從政數有直言多見納用十八年以病乞身為侍中騎都尉卒

於官堪行類於澤周故京師號曰三穉舊志作周堪誤

唐

徐 曠

新唐書列傳字文遠以字行偃師人南齊司空孝嗣

五世孫父微梁秘書郎尚元帝女安昌公主江陵陷

俘入咸陽客客今宏簡錄作家偃師貧不能自給兄文林鬻

書於市文遠曰閱之因博通五經明左氏春秋時者

儒沈重講太學授業常干人文遠從之質問不數日

辭去或問其故答曰先生所說悉紙上語耳若奧境

彼有所未見者尚何觀重知之召與反復研辨嗟歎

偃師縣志

卷十四

儒林傳

二

其能性方正舉動純重竇威楊元感李密王世充皆

從受學隋開皇中累遷太學博士詔與漢王諒授經

會諒反除名為民大業初禮部侍郎許善心復薦文

遠及包愷褚徽陸德明魯達為學官擢國子博士世

稱左氏有文遠禮有褚徽詩有魯達易有陸德明皆

冠一時云文遠說經徧舉先儒異論分明是非乃出

新意以折衷之聽者忘勞越王侗署國子祭酒文遠

出採樵為李密所得尚執故禮密使文遠南向坐備

弟子禮拜之謝曰前日以先王之道授將軍令將軍

擁兵百萬威鎮四海猶能屈體老夫此盛德也安敢

不盡將軍若欲爲伊霍繼絕扶傾吾雖老猶願盡力
如欲爲莽卓乘危迫險則僕耄矣無能爲也密頓首
曰備位上公思所以竭力先征伐及刷國耻然後入
見天子請罪於有司惟先生教之答曰將軍名臣子
累世盡節前陷元感黨迷未遠而復若終之以忠天
下之人所望於將軍者密頓首曰恭聞命俄而世充
專制密又問計對曰彼殘忍而意褊促必速於亂將
軍非破之不可以朝密曰嘗謂先生儒者不學軍旅
至籌大計乃明畧過人密敗復入東都世充給稍異
等而文遠見輒先拜或問君踞見李密而下王公何
偃師縣志

卷十四

儒林傳

三

耶答曰密君子能受鄙生之揖世充小人無容故人
義相時而動可也世充僭號復舊職于士會奔長安
世充怒絕其廩文遠餓幾死復出樵採爲羅士信所
獲送京師仍爲國子博士高祖幸國學觀釋奠文遠
發春秋題論難鋒生隨方占對帝稱善封東莞縣男
卒年七十四撰左傳釋音三卷義疏三十卷

孫 翌

會要孫季良以校書郎爲集賢院直學士宏簡錄儒
學傳孫季良偃師人一名翊尹知章門人開元中爲
校書郎左拾遺集賢院直學士撰正聲詩集三卷

星行按孫翌撰有高祖墓志在長安書有常熟令郭
思謨墓志在洛陽

宋

朱光庭

宋史道學傳字公掞偃師人辭父廕登嘉祐進士調
萬年簿歷修武垣曲縣令曾孝寬薦於神宗召見問
欲再舉安南之師何如光庭對曰得其地不可居得
其民不可使何益於治又問有所聞乎對曰陛下更
張法度臣下奉行或非聖意故有便有不便誠能去
其不便則天下受福矣除簽書河陽判官從呂大防

偃師縣志

卷十四

儒林傳

四

於長安朝廷五路討西夏雍爲都會事倚以辦調發
期會非肯不從使者怒求免大防爲之解元祐初司
馬光薦爲左正言新法之罷多所論列山陵使蔡確
先靈駕而行光庭劾其不敬並言章惇欺罔肆辯韓
縝挾邪冒寵太后嘉其守正令盡言毋有所避遷左
司諫與蘓軾不合奏軾發策試館職不當以掄刻二
字加於仁祖難名之盛德神攷有爲之善志太后謂
詳覽文意是指今百官有司監司守令而言非所以
諷祖宗也乃止河北饑持節行視發廩振民議者病
以兵備耗竭改左司員外郎遷太常少卿拜侍御史

論蔡確怨謫轉右諫議大夫給事中乞外除集賢殿
修撰知亳州召還復爲給事封還劉摯罷相麻制仍
落職守亳歲餘徙潞州鄰境饑曰爲糜以食流民常
至暮不暇自食遂感疾猶力出視事因禱雨拜不能
興卒年五十八光庭天性純孝丁內外艱廬墓哀毀
事叔父如父教諸弟以孝弟後入黨禁胡安國嘗稱
公挾與張天祺可謂奮不顧身盡忠許國者矣徽宗
立復其官子純之假承務郎

劉
絢

朱子二程先生語錄注字質夫緱氏人宋史髫齡卽

優師縣志

卷十四 儒林傳

五

就二程受學純公顯語人曰他人敏則敏矣然未易
保也斯人之志吾無疑焉以祖廕爲壽安主簿遷潞
安長子令邑俗故淳古而絢又誠心愛利丁母憂父
老數千人遮道攀留久之乃得去終去未嘗咎一人
富鄭公弼見其治行嘆曰真縣令也元祐初韓維薦
其經明行修除京兆府教授侍御史王巖叟正言朱
光庭言春秋學廢已久絢治春秋深通試爲太學博
士年四十三卒於官絢明粹溫恭旣聞道內日加重
無交戰之病故行果而粹氣和而莊跬步不忘學將
終啟手足盥饋安然絢在程門但有所知未嘗不與

人共程學之興絢及李顥端伯有力焉正公頤嘗曰
質夫沛然又曰胡道平和簡易惟劉絢庶幾近之其
信許如此

李顥

耿介中州道學編字端伯緱氏人資識穎悟胸次闊
肆開發與人交洞見胸臆其遇事如控六轡逐水曲
舞交衢屈折如意二程氏倡明道學世方驚疑能使
學者視效而信從顥有刀焉登進士元祐中爲秘書
省校書郎嘗記二程語一編號師說朱子愛其書謂
顥所造尤深所得尤粹云先程子卒

偃師縣志

卷十四

儒林傳

六

旣倬按劉絢李顥宋史俱稱爲洛陽人查朱子二程
門人語錄注載絢緱氏人顥洛陽人程正公祭李顥
文端伯與質夫同邑而居與朱子所載異耿介中州
道學編又載顥爲緱氏人舊志顥墓在縣西寺庄保
今於絢則遵朱子語錄注顥則據耿氏道學編並載
之

國朝

喬廷諤

朱志字祗承弱冠奮志聖賢之學問耿宮詹介倡道
嵩陽往從之介諱以仁孝之旨遂能體證期於實踐

由選拔貢成均湯文正公斌深器重之以親老整裝
歸聚徒教授多所成就除商水教諭商邑學宮傾圮
士風澆漓廷謨務爲端嚴修葺文廟分諸生爲五會
著課士條規刊學規畧及書程研究心性之學以躬
行相勉不專事文藝士知奮勉由是商邑文教振起
相繼登賢書而王生永建尤得其真傳尋陞歸德教
授請老歸手不釋卷操行彌邵卒年八十廷謨性至
孝父病抵榻眠者數年居喪不御酒肉其學以隨處
體認天理爲宗旨而所持則惟一誠涵養深醇不露
圭角顏所居曰思誠堂所著有讀中庸錄西銘解課
士條規家規畧思誠堂存稿等書諸子欽從龍煥坤
皆成名琬暨孫履信俱登進士

張度正

朱志字萬準知府銑孫沉靜簡重從學於耿宮詹介
毅然以聖賢爲法登丁卯賢書登封令延爲嵩陽書
院山長以冉太史覲祖天理主敬圖授從學之士咸
就甚夥除祥符教諭裁寄名書役陋規課士傲竇太
史克勤教泌陽法以敦倫修行爲主士子爭相淬勵
撫司皆重之某官以事望誤浼度正於撫軍前一言
願酬百金度正堅不許有山東李梅藁度正學行詣

偃師縣志

卷十四

儒林傳

七

祥符從遊越數載卒度正以禮葬焉致仕歸舌耕度
日藜藿不充晏如也卒年七十八

裴清修

朱志字學洙歲貢生少孤事母至孝年十九從耿官
詹介學於嵩陽書院志操刻苦介深器之時肄業者
甚衆學田少不足養贍清修以後遂不得給膏火耿
特出資佐之學成歸里教授生徒一遵嵩陽學規時
俗喪尙浮屠清修作黜浮屠論學者多景從焉尤敦
友愛析居時以肥田讓其長兄教子孫皆成立卒年
七十五所著有自驚錄質心約言

儒師縣志

卷十四

儒林傳

八

周恪

朱志字儼若邑廩生生而端慤性至孝八歲讀小學
業師爲講問寢視膳之節恪輒能聆受體行及長從
事心性之學沉潛體認四方人士多與之遊其居內
外喪哀毀如禮不御酒肉不與人事三年無間因儼
邑喪禮久廢著履後語示從學之士洛儼從者尤衆
卒年七十三

偃師縣志卷十五

翰林院編修孫星衍

同纂

偃師縣知縣湯毓倬

忠節傳

唐

燕欽融

舊唐書忠義傳偃師人景隆末為許州司戶參軍時
帝庶人干預國政盛封拜羣從子弟又與悖逆庶人
及駙馬都尉武延秀中書令宗楚客等將危社稷欽
融連章上奏其事庶人大怒勸中宗召欽融廷見撲

偃師縣志

卷十五

忠節傳

一

殺之宗楚客令執法加刃欽融因而致死睿宗卽位
下制曰許州司戶參軍燕欽融先陳忠讜頗列章奏
雖干非其位而進不顧身永言奄亡誠所傷悼方開
言路宜慰寵宥可贈諫議大夫仍備禮改葬特授一
子官

畢 炕

新唐書畢構傳構子炕天寶末為廣平太守拒安祿
山城陷覆其家贈戶部尚書唐書宰相世系表炕兵
部員外郎吳郡太守江南採訪使

明

朱惟一

舊志生員正德壬申流寇攻掠偃師惟一携家避難城東山谷間爲賊所得逼之降挺節不屈闔家焚死朱平

舊志字對山天啟時人有勇力能擒巨賊賊恨入骨後遭賊害上官表其忠祭文勒碑現存

段增祉

舊志幼負勇畧明末羣寇起隨父兄避亂邵家寨增祉年甫冠倡義守寨賊焚其祖居廬舍復設伏縛增祉致寨下逼其降衆增祉大呼衆曰我死寨尙可保偃師縣志

卷十五 忠節傳

二

勿畏賊落膽也賊毒加鞭拷濺血滿地仍不屈復誘之曰爾父在城上痛哭命爾降忍違父命乎增祉曰父豈教我不義者罵益厲賊怒殺之屍立半日不仆是夕風霾暄天賊駭遁去寨賴以完人咸德之增祉被難時藁葬未得其首後族人贖錢葬之鑄金爲首焉妻黃氏聞增祉殉難亦投井死別有傳

蔡東莊

舊志孫家灣人與四子二孫俱有勇力崇禎十七年闖寇掠偃師執東莊逼令降挺節不屈合家二十餘口俱罵賊死賊去壻某收其尸藁葬土窰中康熙初

族人文澍兄弟置棺二十餘口殮葬之在今孟家灘
姜好義

舊志明末土賊李際遇蹂躪伊洛間里人築寨相保
好義與子生蕃同心固守生藩語父曰兒爲諸生無
降賊理倘寨破惟辦一死好義曰生員不降賊百姓
顧可降賊乎父子戮力捍禦時同里有與賊通者說
之降終不屈辱詈之去賊遂悉力來攻父子俱被執
賊猶欲降好義乃先殺生蕃以嚇之好義曰一子何
惜屠盡家口不顧也至死罵不絕口

王孔山

偃師縣志

卷十五 忠節傳

三

舊志字嵩川體幹雄偉以英勇聞先是土寇謀陷城
瞰孔山多金欲其爲內應孔山怒拒不從後崇禎壬
午賊大至城陷家室盡屠倉卒避亂磨盤寨寨又陷
被執賊溫語勸降孔山仍罵不絕口父子九人同日
遇害僅遺一子家賓寇去後尋父屍葬之卒年五十
三家賓別傳

武同芳

明史忠義傳賊攻偃師殺同芳母同芳噴血大罵賊
怒支解而死

張毓粹子張一鷺張一鳴

明史忠義傳賊攻偃師輒粹率二子一鷺一鵬佐有
司固守城城陷大罵三人同日遇害

舊志輒粹與子一鷺一鵬俱邑廩生妻陶氏及三女
二孫咸投井死

喬于崑

明史忠義傳城陷死節

舊志于崑諸生被執不屈投洛河死

蔺完齷

明史忠義傳城陷與妻張氏俱被執大罵不屈賊並

磔之

偃師縣志

卷十五 忠節傳

四

舊志完齷諸生妻張氏別有傳

劉芳名

明史忠義傳賊至抗節死妻張氏罵賊死

舊志芳名諸生被賊執猶手擊賊爲賊支解極慘妻

張氏別有傳

裴君合

明史忠義傳君合幼孤母苦節孝養惟謹賊至聚眾

保沙岸寨攻圍十晝夜不克說之降大罵不從寨破

被磔

牛一元

明史忠義傳賊陷城抗節死

舊志一元與子應龍俱諸生同被執一元大罵賊磔之應龍裂其縛奪賊刀刺死刃父者賊遁去

王邦紀

明史忠義傳賊至與妻高氏罵賊死之

輒倬按郡志又有劉邦紀童銍曰劉邦紀與王邦紀應似一人然明史已載故並存之

劉芳世

明史忠義傳城陷死節

舊志芳世受知縣徐日泰部署守城賊攻城危甚芳

偃師縣志

卷十五

忠節傳

五

世突重圍與賊戰失利沒於陣城遂陷時被執不屈而死

喬國屏諸生王光顯蘭相裔蘭芝粹

明史忠義傳賊攻偃師俱抗節死

張爾緝

舊志庠生城破肅衣冠拜家廟自縊

蘭挺粹

舊府志邑諸生賊至倡守安樂寨火藥盡寨破被執不少屈賊磔之

王玉振

化澤

舊志賊陷城玉振從容衣冠被磔死化澤爲賊滅指
死

劉似山 蘭挺幹 劉芳聲 蘭相明 劉日琪 王
子薦

舊志皆諸生遇寇抗節不屈死

蘭相聲 齊璉 關憲 劉柱 王大典 張汝盈

蘭完富 蘭挺生 王天鳳 王振宇

舊志十人皆義民遇賊不屈死

鄭筠亭 鄭芸亭

府志明末流賊攻偃師筠亭兄弟同心守城城陷賊

偃師縣志

卷十五

忠節傳

六

執筠亭筠亭大罵賊割其舌罵不絕支解之芸亭見
兄赴難入賊營尋兄屍不獲亦厲聲罵賊手刃之身
被十數劊死

蔡永芳

府志偃師貢生明季流寇至從令守城城陷死之

